



INFORME SOBRE O PROXECTO DE DECRETO POLA QUE SE APROBA O PLAN REITOR DE USO E XESTIÓN DO PARQUE NACIONAL MARÍTIMO TERRESTRE DAS ILLAS ATLÁNTICAS DE GALICIA.

En cumprimento do disposto no artigo 43.2 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, esta Secretaría Xeral Técnica emite o seguinte,

INFORME

1. Obxecto

Constitúe o obxecto do presente decreto a aprobación do plan reitor de uso e xestión do Parque Nacional Marítimo Terrestre das Illas Atlánticas de Galicia.

2. Marco normativo e competencial

Conforme co artigo 27.30 do Estatuto de autonomía de Galicia, a Comunidade Autónoma galega ostenta competencia exclusiva en normas adicionais sobre protección do medio ambiente e da paisaxe nos termos do artigo 149.1.23 da Constitución Española.

O Parque Nacional marítimo-terrestre das Illas Atlánticas de Galicia foi declarado pola Lei 15/2002, do 1 de xullo, creándose así o primeiro parque nacional en Galicia, que integra o espazo mariño e terrestre dos arquipélagos das Cíes, Ons, Sálvora e Cortegada.

A Lei 30/2014, do 3 de decembro, de Parques Nacionais e o Real Decreto 389/2016, do 22 de outubro, polo que se aproba o Plan Director da Rede de Parques Nacionais conforma o réxime xurídico especial do Parque Nacional, complementado coa normativa establecida na Lei 42/2007 do Patrimonio Natural e da Biodiversidade e na Lei 9/2001 de Conservación da Natureza de Galicia. A Lei outorga ao Plan Director da Rede de Parques Nacionais, alcance básico e carácter de máximo instrumento de planificación.

Como instrumento específico de ordenación ambiental a Lei 42/2007 configura os Plans de Ordenación dos Recursos Naturais (PORN) no seu artigo 17. Os plans de ordenación dos recursos naturais do parque nacional (Decreto 274/1999, do 21 de outubro, polo que se aproba o Plan de ordenación dos recursos naturais das Illas Atlánticas e o Decreto 88/2002, do 7 de marzo, polo que se aproba o Plan de ordenación dos recursos naturais do espazo natural da illa de Cortegada e a súa contorna) recollen no seu articulado a necesidade de que o plan reitor de uso e xestión (de agora en diante PRUX) os desenvolva, a través do establecemento de medidas de regulación específicas das diferentes actividades.

A Lei 42/2007, do 13 de decembro, de patrimonio natural e da biodiversidade, de carácter estatal, indica no seu artigo 31.5 que nos parques se elaborarán os plans reitores de uso e xestión (PRUX), que aprobará o órgano competente da comunidade autónoma. Nestes plans, que deben ser revisados periodicamente, fixaranse as normas xerais de uso e xestión do parque. Así mesmo, o artigo 20.11 da Lei 30/2014, do 3 de decembro, de parques nacionais, dispón que o PRUX é o instrumento de planificación ordinaria e que a súa vixencia deberá de ser, como mínimo, de 10 anos.

A Lei 9/2001 dispón no seus artigos 33 a 35 as normas e requisitos para a tramitación dos PRUX, disposicións que completa o artigo 20 da Lei 30/2014 do 3 de decembro, de parques nacionais.



O Decreto 167/2015, do 13 de novembro, polo que se establece a estrutura orgánica da Consellería de Medio Ambiente e Ordenación do Territorio, establece que esta consellería é o órgano da Administración da Comunidade Autónoma a que lle corresponden as competencias e funcións en materia de ambiente, ordenación do territorio e urbanismo e conservación da natureza, conforme o establecido no Estatuto de autonomía para Galicia, nos termos sinalados na Constitución española.

Polo demais, e no que fai competencia para a aprobación do proxecto sobre o que versa o presente informe, a mesma correspóndelle ao Consello da Xunta de Galicia, de conformidade co artigo 4.6 da Lei 1/1983, do 22 de febreiro, de normas reguladoras da Xunta e da súa presidencia, de acordo co disposto no artigo 34.5 d antedita Lei 1/1983 e dos artigos 37, 38, 39 e 43 da Lei 16/2010, do 17 de decembro, de organización e funcionamento da Administración Xeral de do sector público autonómico de Galicia, e tendo en conta o disposto no artigo 1 do Decreto 167/2015, do 13 de novembro, polo que se establece a estrutura orgánica da Consellería de Medio Ambiente e Ordenación do Territorio.

Dada a coincidencia do Parque Nacional con outras figuras de áreas protexidas (Rede Natura 2000, Zona de especial protección para as aves, etc) son aplicables tamén outras normas como a Directivas Aves e Directiva Hábitat, o Plan Director da Rede Natura 2000 (Decreto 37/2014, do 27 de marzo), Convenio OSPAR, etc. que se tiveron en conta para a redacción do plan.

3. Estrutura do proxecto normativo

O proxecto de decreto consta dous artigos e tres disposicións derradeiras e catro anexos.

4. Tramitación

O proxecto de decreto tramítase de conformidade co disposto nos artigos 40 a 44 da Lei 16/2010, do 17 de decembro e tendo en conta o disposto na Lei 30/2014, do 3 de decembro, de parques nacionais, a Lei 9/2001, do 21 de agosto, de conservación da natureza, e a Lei 42/2007 do 13 de decembro, de patrimonio natural e da biodiversidade.

No expediente conséntase que de acordo co disposto no artigo 41.2 da Lei 16/2010, do 17 de decembro, o proxecto de decreto acompáñase dos seguintes documentos, correspondentes a fase inicial da tramitación:

- Unha memoria xustificativa sobre a súa legalidade, acerto e oportunidade
- Unha memoria económica-financieira con estimacións dos costes que pida xerar e o seu financiamento.
- Un informe do servizo xurídico da Subdirección de Réxime Xurídico, de Coordinación Administrativa e da Planificación.

Consonte co artigo 41.1 da Lei 16/2010, do 17 de decembro, a persoa titular da da entón Consellería de Medio Ambiente e Ordenación do Territorio, encargou á Dirección Xeral de Patrimonio Natural a elaboración do borrador de decreto. Consopnte co artigo 41.3 da mesma lei, a aprobación inicial do anteproxecto como proxecto de orde pola persoa titular tivo lugar en data 2 de marzo de 2018.

En cumprimento do artigo 41.4 da Lei 16/2010, do 17 de decembro e o artigo 9 da Lei 1/2016, do 18 de xaneiro, de transparencia e bo goberno publicouse no Portal de Transparencia e Goberno Aberto, estando aberto o prazo de suxestión ata o 7 de maio de 2018.



Así mesmo, como paso previo para a elaboración do plan reitor de uso e xestión elaborouse un documento preliminar, que foi sometido a participación pública en virtude do establecido no artigo 16 da Lei 27/2006, do 18 de xullo, pola que se regulan os dereitos de acceso á información, de participación pública e de acceso á xustiza en materia de ambiente. O anuncio publicouse no DOG do 21 de novembro de 2017.

Na fase intermedia da tramitación, foi sometido aos seguintes trámites:

- *Trámite de audiencia e información pública:* O proxecto foi remitido para alegacións a todas as Secretarías Xerais Técnicas das Consellerías da Administración xeral da Comunidade Autónoma de Galicia, así como a outras entidades que puidesen resultar interesadas.

O proxecto tamén foi sometido a información pública de acordo cos artigos 16 a 18 da Lei 27/2006, do 18 de xullo, pola que se regulan os dereitos de acceso á información, de participación pública e de acceso á xustiza en materia de ambiente, no artigo 20 da Lei 30/2014, do 3 de decembro, de parques nacionais, e nos artigos 35 da Lei 9/2001, do 21 de agosto, de conservación da natureza, e 42 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia. O anuncio publicouse no Diario Oficial de Galicia o 23 de marzo de 2018.

Consta no expediente a xustificación do tratamento das alegacións recibidas

Informe e ditames: Durante a tramitación pronunciáronse sobre o proxecto os seguintes órganos:

- Informe de impacto de xénero da Secretaría Xeral de Igualdade de 20 de decembro de 2018
- Informe da Dirección Xeral de Avaliación e Reforma Administrativa de data 20 de decembro de 2018
- Informe de sostibilidade financeira da Dirección Xeral de Planificación e Orzamentos de data 26 de decembro de 2018.
- Informe da Dirección Xeral de Función Pública de data 21 de decembro de 2018.
- Informe da Dirección Xeral de Ordenación do Territorio e Urbanismo de 20 de decembro de 2018.

Na fase final da tramitación, o expediente remítese ao preceptivo informe da Asesoría Xurídica da Xunta de Galicia, emitíndose o informe en data 21 de decembro de 2018.

En cumprimento do disposto no artigo 43.3 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, o proxecto someterase a aprobación da persoa titular da Consellería de Medio ambiente, Territorio e Vivenda.

De conformidade co exposto, esta Secretaría Xeral Técnica informa favorablemente o proxecto de Decreto pola que se aproba o plan reitor de uso e xestión do parque nacional marítimo terrestre das Illas Atlánticas de Galicia

Santiago de Compostela, 26 de decembro de 2018

A secretaria xeral técnica

Carmen Bouso Montero

